

引亡詣壇前

竊以九關虎豹崇舊燦於蒼林八陸龍鸞拱
離羅於玄座仰叩靈龜之大荒恪殫翼翼之
小心亡故某人親質陽華澄神陰翳開陰超
暗狀承靈初之靈光戴德知元敢昧羅敷之

聖澤宜東望而拜首疾北面以傾心月啓舒
徐雲鏞激響肅躬望

帝首據三寶之恭潔已趨朝爰罄九華之敬
威儀告備容止端嚴法衆運誠讚揚朝禮

志心朝禮

虛无自然元始天尊

志心朝禮

虛皇玉晨靈寶天尊

志心朝禮

至真混元道德天尊

志心朝禮

運明保元青玄天尊

亡故某人解脫幽關遊翔陽域心塵湛瑩本
來之面目圓成身垢裝嚴因有之精神具足
策天步而上朝金闕辭地禁而中款瑤壇萬

劫遭逢千生慶會惟雲裝瓊液流七具於霧
香而霞銀瓊廚抱五精之芝秀可遂充腸之
樂庸資適口之華飢渴不生超凌可親守雄
抱雌二大將部衛亡鬼前詣几筵從容受食
靈寶領教濟度金書卷之八十六

正一天師清微弟子 洪百堅 製作
道教學術資訊網站

靈寶領教濟度金書卷之八十七

洞微高士開光教普其人窮人其救
靈寶通玄弘教水南先生林靈真編

科儀立成成品青玄齋用
青玄破獄儀

贊引至道前

高功上香長跪

具位某某誠惶誠恐稽首頓首再拜

上言臣聞黃籙設官教玄雲於八極青玄開
府流慈日於九幽靈官煥而積夜流輝神威
耀而重泉御景範圍所被陶冶無遺臣等玄
籍登名彤墀綴武雲囊霞爰大明帝渥之春
融鳳篆龍章夙佩師恩之日煥盍承符而宣
德期博愛以同仁今有齋主某某崇建某齋闕
度亡過某人冤親平等切慮十宮冥漠六洞

幽寒鐵壘周遭鎖昏昏之毒霧銅關而峻騰
赫赫之炎煙豈無悔過以求生執為雪愁而
超死齋崇蒼極已嚴登真度命之科壇闡玄
綱盍煥毀鎖張門之令匪敷忱於
帝闕曷嘯命於冥會拜手宸嚴傾心闡穆敬

望矜憐苦奏曲軫沈寃命二府之仙曹敕九
 司之符吏頌九華靈杖乘玉景以扣沈寥昭
 五色神輝映金剛而破幽翳客臣隨符召投
 如律宣行敕破幽關蕩開陰域十華騰景礙
 祖炁於虛无百寶流明駕威神於妙有即使
 三途啓旦六道乘晨刀山劔樹而悉化壽林
 炎沼冰池而盡為蓮園普上帝慈悲之澤慰
 下民激切之誠臣不勝激切俟命之至所有
 表文謹當宣奏

宣表

表文載露淵聽無私今當請杖飛空分光散
 彩威靈恢廓願參移景之玄惠澤周流庶得
 開幽之妙祈恩激切俟命動渠更冀翠輝空
 淨蒼精下駐密彰感應俾宣破獄之儀默佐
 行持願傳提堯之化其不勝激切之至

太乙救苦天尊

引至獄前

洒淨 然燈

恭聞長樂宮中有百億瑞光之座妙嚴國內
 開大千甘露之門耀七寶於驚林映九華於

蓮御芒飛劔戟煥青玄之神輝象映虹蜺示
 紫金之妙相威神廣大慧力宏陳寔為三界
 之醫王端作九幽之教主仰願御與俯御駕
 駕旁參九曲開幽降炁中之祖炁十華破暗
 混身外之法身普運慈悲為提苦英拜炁寶

香供表

青玄應化東方玉寶皇上天尊南方玄真萬
 福天尊西方太妙至極天尊北方玄上玉宸
 天尊東方度仙上聖天尊東南方好生度
 命天尊西南方太靈虛皇天尊西北方无量

太華天尊上方玉虛明皇天尊下方真皇洞
 神天尊十方大慈大悲救苦真人大惠真人
 侍從神王金剛力士青玄官屬一切真靈伏
 望飛龍感應駕駟來臨隨杖指呼極重關而
 開關持符嘯命令鬼域以摧傾均承光明普

提幽暗重炁寶香供養東方風雷地獄主者
 南方火醫地獄主者西方金剛地獄主者北
 方冥淪地獄主者東南方銅柱地獄主者西
 南方屠割地獄主者西北方火車地獄主者
 東北方鑊湯地獄主者中央普掠地獄主者

曹僚業採城隍社令冥泠五道一切冥司伏
 冀憲天布德體道興慈部衛形鬼班都門而
 聽命送迎爽鬼升法橋以登神同駕陽龍普
 提陰昧伏以圓虛設象方峙凝形覆載分高
 厚之殊陰陽別晦明之異惟人為貴為物最

靈證步武於善機升陽明界淪精神於惡趣
 沈陰暗鄉自愛刀伐鴻濛之根與愁斧鑿混
 沌之窳棄善弗履謀生既背於陽天惟惡是
 彰趨死斯淪於陰地鐵圍萬維銅網千尋五
 苦三途由五累三毒而化六因十習本六情

十業而生慘水火之推研凜金木之考對萬
 劫報盡履惡道以驅馳億載苦終墮旁生而
 展轉六洞環於都會九州列於方隅假其妄
 緣陶其真性迴光悔悟欣解脫之有期抱暗
 礙迷冀超凌之無日是以香林演妙寫木談

玄依依東極之慈尊威威北鄰之苦爽具常
 道玄元道破獄料明靈寶光功德光開幽患
 泱大矣慈悲之化妙哉定慧之機今齋主某
 人奉為七故某崇建某齋乞於齋次然燈破
 獄廣度幽冥究親平等照破獄墨象陰景之

泥犁攝映燈壇未陽華之飛混今為蓮神會
通招真命靈召役仙曹飛金符而日煥敷制
冥吏宣玉訣以風行晉提縲繼之幽關廣寬
考掠於冥路永脫昏暗俾乘慧日以高躋出
離迷途即躡法燈而上邁宸光普被獄暗宏
開徑登六度之舟頓達五明之岸其無任懇
切之至

太乙救苦天尊

上清靈寶玄壇焚香闡召青玄黃錄主破獄
入獄出冥司仙靈官吏破獄真吏破獄主吏
破獄飛吏破獄驛吏入獄救罪靈官飛龍騎
吏持符神吏各請分形化景來赴玄壇持青
玄破獄真符乘太乙真光道炁通詣九幽諸
大地獄應久禁近囚無鞅數眾已發覺未發
覺已結證未結證已受報未受報一切罪冤
並與疾除罪簿落纏惡根不得拘留逼合鬼
群部衛形寬度品南宮一如黃錄破獄律令
風火無停破獄真符謹當告下
宣青玄破獄符 元君破獄符
太乙救苦天尊 旋行至東方

九幽之東地號幽治有青曜惡毒之門獄曰
風雷司飛戈飄戟之憲今有齋主其然點九
獄神燈頒宣青玄真符依科破獄開度東方
一切罪冤親平等伏願東方救苦玉寶皇
上天尊不捨慈悲憐憫威神為開震獄千究
冰釋淨罪性於虛空萬惡風消生善心於法
界高步華林之境遊神惠靜之庭仗此善功
回度亡故其上登碧落仰憑清光向為讚揚
仰啓東方主 玉寶皇上尊 願臨風雷獄
拔度九幽冤和往生神仙界

焚破東方獄符

寶芝獅御耀蒼垠 仁澤天隆薰物春
威息風雷開廣域 遊覽瞻望大慈尊
太乙救苦天尊 旋至南方
九幽之南地號幽陰有赤曜巨羅之門獄曰
火醫可烈炭炎煙之憲今有齋主其然點九
獄神燈頒宣青玄真符依科破獄開度南方
一切罪冤親平等伏願南方救苦玄真萬
福天尊不捨慈悲憐憫威神為開離獄天光
煥映了真妄以交融地暗開除悟色空而寂

照高步梵天之境遊神端化之庭仗此善功
回度亡故其上登碧落仰憑清光向為讚揚
仰啓南方主 玄真萬福尊 願降火醫獄
拔度九幽冤和往生神仙界
焚破南方獄符

九聖寶御下南丹

太乙救苦天尊

九幽之西地號幽夜有白曜鋒刃之門獄曰
金剛司金槌鐵杖之憲今有齋主其然點九
獄神燈頒宣青玄真符依科破獄開度西方
一切罪冤親平等伏願西方救苦太妙至
極天尊不捨慈悲憐憫威神為開允獄風清
陰翳廓心鑑以舒明月朗陽靈耀意珠而映
彩高步金光之境遊神利益之庭仗此善功
回度亡故其上登碧落仰憑清光向為讚揚
仰啓西方主 太妙至極尊 願臨金剛獄
拔度九幽冤和往生神仙界
焚破西方獄符
真光衝動擁珠與 恩泱寒庭駐紫虛

接落金剛摧鐵維 疾提苦英上天衢

太乙救苦天尊 旋至北方

九幽之北地號幽鄴有黑曜寒涼之門獄曰
冥冷司積霜層冰之憲今有齋主某然點九
獄神燈頌宣青玄真符依科破獄開度北方

一切罪冤親平等伏願北方救苦玄上玉

宸天尊不捨慈悲俯運威神為開坎獄塵塵

雲散悟妄業之本无性性蟾明覺真空之獨

朗高步真靈之境遊神救度之度仗此善功

回度亡故某上登碧落仰憑清眾同為讚揚

仰啓北方主 玄上玉宸尊 願臨冥冷獄

拔度九幽冤和往生神仙界

焚破北方獄符

審林清蹕俯雲層 太乙真光破鐵城

倏忽冥冷回暖律 真靈福境任超凌

太乙救苦天尊 旋至東方

九幽東北地號幽都有元羅陷塞之門獄曰

鑊湯司沸湯滾浪之憲今有齋主某然點九

獄神燈頌宣青玄真符依科破獄開度東北

方一切罪冤親平等伏願東方救苦度

仙上聖天尊不捨慈悲俯運威神為開艮獄

光涵定水澄五濁之紛葩日麗冰山燦千愆

之醫累遊神東極高步南丹仗此善功回度

亡故某上登碧落仰憑清眾同為讚揚

仰啓東北主 度仙上聖尊 願臨鑊湯獄

拔度九幽冤和往生神仙界

焚破東方獄符

東得羽葆紫金容 洞煥靈光湛碧空

威破鑊湯起死尸 高登長樂證玄功

太乙救苦天尊 旋至東南方

九幽東南地號幽紹有九醜毒業之門獄曰

銅柱司手焦足爛之憲今有齋主某然點九

獄神燈頌宣青玄真符依科破獄開度東南

方一切罪冤親平等伏願東南方救苦好

生度命天尊不捨慈悲俯運威神為開巽獄

迷雲磨矚湛一性以如如慧日增華麻五明

而朗朗遊神極樂高步清虛仗此善功回度

亡故某上登碧落仰憑清眾同為讚揚

仰啓東南主 好生度命尊 願臨銅柱獄

拔度九幽冤和往生神仙界

焚破東南方獄符

芙蓉曲蓋舞重霄 天寶甘泉過八遙

无極苦冤超上境 威摧銅柱闢幽寥

太乙救苦天尊 旋至西南方

九幽西南地號幽關有荼滅嚴仰之門獄曰

磨剗司銅刃鐵戈之憲今有齋主某然點九

獄神燈頌宣青玄真符依科破獄開度西南

方一切罪冤親平等伏願西南方救苦太

靈虛皇天尊不捨慈悲俯運威神為開坤獄

滅煩惱暗昭覺地以無塵乘智慧光返靈源

而獨照遊神玄域高步仙階仗此善功回度

亡故某上登碧落仰憑清眾同為讚揚

仰啓西南主 太靈虛皇尊 願臨磨剗獄

拔度九幽冤和往生神仙界

焚西南方獄符

祥煙高映赤圓光 一德空青聖澤滂

下極坤維屠剗息 耀真天上任翱翔

太乙救苦天尊 旋至西北方

九幽西北地號幽府有冥濛殘羅之門獄曰

火車司火輪火輻之憲今有齋主某然點九

獄神燈頌宜青玄真符依科破獄開度西北
方一切罪寬寬觀平等伏願西北方救苦无
量太華天尊不捨慈悲俯運威神為開乾獄
寂无所寂破妄想於心雲空即是空悟真機
於性月遊神仙境高步玄虛仗此善功回度

亡故其上登碧落仰憑清眾同為讚揚

仰啓西北主 無量太華尊 願臨火車獄
拔度九幽寬和往生神仙界

焚破西北方獄符

玄虛靈秀蕩瓊鞵 應化飛龍妙道天

威破火車魁罪性 惡根落滅罪無邊

太乙救苦天尊 旋至中央

九幽之中地號幽獄乃刑單鬱絕之境獄曰
普掠司霜刃雪鋒之憲今有齋主某然點九
獄神燈頌宜青玄真符依科破獄開度中央
一切罪寬寬觀平等伏願中央尋聲救苦慈
尊不捨慈悲俯運威神為開幽獄諸塵瀆盡
耀赤水之玄珠眾業垢空浴丹山之白玉高
步水蓮之境遊神淨土之鄉仗此善功回度
亡故其上登碧落仰憑清眾同為讚揚

仰啓中央主 尋聲救苦尊 願臨普掠獄
拔度九幽寬和往生神仙界

焚破中央獄符

玉虛蓮座下搖輝 赫奕神光耀九圍
慧力開幽寬普掠 坐觀青草鞠圓扉

太乙救苦天尊

向來破獄功德並已周圓伏願生門啓旦流
慶雲以徘徊死戶含春噴祥煙而蒙鶉炎沼
變和風之沼寒池成甘露之池刀戟鋒摧化
琳琅之霧樹劍戈刃落聲輝輝之蓮花法雨
潤而鑊湯清涼慈風扇而火輪温潤花臺花
蓋纏紛來迎寶節寶幢遙迤下接冥佐陰掾
普躋龍尾之班獄卒鬼官盡脫牛頭之相湯
泉曲為滄黎之境融泥犁於空歌之場地緯
天經均逍遙於帝澤陰潛陽耀普依披於宸
光翠華迴東極之軒丹陛邁南曹之馭諸天
稱慶列壘歡呼法眾運誠虔恭奉送

迴輦頌

高功詣太乙前納款

謹重誠上啓

卷一

十六

東極青玄老君太乙救苦天尊十方大慈大
悲救苦天尊救苦真人大惠真人青玄官屬
一切真靈竊以奉天符而開地禁欣際昌辰
承陽光而廓陰關幸教聖澤寶籍提携之造
敢忘皈謝之私臣奉為齋主其人開度九幽
功德周圓恩重乾坤感深溟涔所有元請破
獄策杖謹依玉訣奏納御前仰冀道慈俯垂
俞允伏願圓扉啓耀方澤流華三途息流鬼
之悲六趣免輪迴之苦飛潛動植均鼓舞於
福庭蠢動蛸蝓翹悉翱翔於壽域凡厥陰爽均
證陽靈為如上因緣志心稱念太乙救苦天
尊和不可思議功德

靈寶領教濟度金書卷之八十七